

KONTEÚDU ✨

01 Introdusaun

02 Objektivu


03 Metodolojia

04 Area Peskiza no
Limitasaun Peskiza

05 Rezultadu
Peskiza

06 Konkluzsaun no
Rekomendasaun





INTRODUSAUN



Relatóriu ida-ne'e apresenta rezultadu husi peskiza ne'ebé La'o Hamutuk halo iha tinan 2025 kona-ba impaktu mudansa klimátika ba setór agrikultura no problema sosial



Peskiza ne'e hala'o iha munisípiu Viqueque, Manufahi no Oe-cusse ho objetivu atu komprende impaktu mudansa klimátika, analiza polítika Governu no parseiru dezvoltamentu sira nian.



1

Peskiza ida-ne'e envolve direta ho agrikultór sira, autoridade lokál, organizasaun sosiedade sivil no entidade Governu nian, hodi komprende kona-ba oinsá impaktu mudansa klimátika ba comunidade, ho oinsá comunidade sira nian esperiénsia adapta an hasoru krize klimátika no politika sira ne'ebé kontribui hakbiit comunidade hasoru krize ne'e.



OBJETIVU


Atu hatene impaktu sira husi mudansa klimátika ba setór agrikultura no oinsá mudansa klimátika afeta feto no labarik?

Atu analiza dezafiu polítika sira ne'ebé assosiadu ho mudansa klimátika.

Atu hatene papél Governu, intervensaun organizasaun sira no sosiedade nia abilidade hodi rezolve mudansa klimátika.

METODOLOJIA

- METODOLOJIA KUALITATIVU
- TEKNIKU HILI RESPONDE UZA APROXIMASAUN PURPOSIVE SAMPLING
- AREA PESKIZA IHA MUN. VIQ, MANUFAHI NO OE-CUSSE



REZULTADU PESKIZA

Impaktu Mudansa Klimátika Ba Produsaun Agrikultura

Fatór oin-oin sira ne'ebé influénsia ba produsaun agríkola

Impaktu Mudansa Klimátika ba Feto no Labarik

Adaptasaun Agrikultór ba Krize Klimátika

Polítika no Programa sira Kona-ba Adaptasaun



IMPAKTU MUDANSA KLIMÁTIKA BA PRODUSAUN AGRÍKULTURA


Karakterístika Komunitade Agrikultór

Kalendáriu Agrikultura

Produsaun Agríkola

PRODUSAUN AGRÍKOLA NO IMPAKTU MUDANSA KLIMÁTICA

Peskiza La'o Hamutuk nian deskobre
produ tu potensia ne'e iha munisípiu fahé
ba kategoria 6 hanesan: to'os, natar,
hortikultura, pekúaria, peska no floresta.



Impaktu Mudansa Klimátika ba Feto no Labarik



Mudansa klimátika lori impaktu mós ba feto no labarik, hamosu risku ba saúde, seguransa ai han, edukasaun, no servisu uma laran aumenta todan.



Norma sosiál sira dala barak tau feto sira iha responsabilidade atu asegura nesesidade uma-kain, hanesan kuru bee moos, prepara ai-han, hili ai sunu no te'in ho mudansa klimátika fó impaktu ba kualidade rekursu sira ne'ebé feto sira uza ba halo servisu doméstiku no presiza tempu barak liu tan atu halo servisu sira (UN Women).

Adaptasaun Agrikultór ba Krize Klimátika

Husi peskiza iha munisípiu tolu, ita bele haree katak komunidadade iha kapasidade adaptasaun ba tempu badak liu husi diversifikasaun atividade, kooperasaun lokál no koñesimentu tradisionál. Maibé, kapasidade ida ne'e sei limitadu tanba falta bee, infraestrutur fraku, asisténsia téknika tarde no valór merkadu ne'ebé ladún favoravel. Tanba ne'e, presiza intervensaun koordinadu no sustentável atu transforma adaptasaun temporária ba reziliénsia iha tempu naruk.



Polítika no Programa sira Kona-ba Adaptasaun

Husi intervensaun hotu-hotu, ita bele haree katak Governu no parseiru dezenvolvimentu hatudu kompromisu importante atu hakbiit komunidade hodi reziliente hasoru mudansa klimátika. Maibé, implementasaun iha baze kontinua enfrenta dezafiu boot hanesan falta harmonizasaun entre setór, distribuisaun apoiu tarde, asesu limitadu ba tratór no servisu estensionista, no frakeza iha sustentabilidade programa iha tempu naruk. Rezultadu husi situasaun ida ne'e mak produsaun agrikultura kontinua estagnadu, kreximentu ekonómiku limitadu no problema estruturál seidauk hetan solusaun efetivu.



Evita Maladaptasaun no Reziliénsia Justu






Objetivu husi adaptasaun klimátika mak atu prepara komunidade sira hodi enfrenta impaktu mudansa klimátika. Maibé, evidénsia internasionál hatudu katak adaptasaun ne'ebé la integra perspetiva justisa klimátika bele lori rezultadu kontra produtivu, inklui maladaptasaun, katak intervensaun ne'ebé hakarak hamenus vulnerabilidade maibé realidade aumenta vulnerabilidade, kria dezigualdade foun- no hamosu problema ekolójiku no sosiál ne'ebé la previstu.







Prinsípiu justisa klimátika subliña katak nasaun no autór sira ne'ebé iha responsabilidade istórika boot liu ba emisaun gás estufa tenke suporta responsabilidade boot liu ba mitigasaun, adaptasaun no resposta ba lakon no estragu.



Konkluziun no Rekomendasaun

- 
 Peskiza ne'ebé La'o Hamutuk halo iha Munisípiu Viqueque, Manufahi no Oe-cusse hatudu katak mudansa klimátika la'ós fatór úniku ne'ebé kauza ba problema produsaun agríkola no sosiál iha rejiaun sira-ne'e.
- 
 Iha fatór seluk ne'ebé mós importante tebes, inklui problema estruturál ne'ebé eziste antes ona, hanesan inseguransa ai-han, malnutrisaun, kiak, dezempregu, dependénsia ba importaun ai-han, bee menus, produtividade rai tun no kapasidade umanu ne'ebé limitadu.
- 
 Governu no parseiru dezvoltamentu ne'ebé hakerek ho di'ak, implementasaun programa sira-ne'e seidak konsege ajuda agrikultór sira atu sai husi sírkulu problema ne'ebé sira hasoru.

Rekomendasaun

- 
 Governu bele dezeña polítika no programa sira ne'ebé bele hatán ba problema réal ne'ebé mak agrikultór sira hasoru liu-husi hasa'e alokasaun orsamentu jerál ba programa esensial sira no hadi'ak kapasidade implementasaun nune'e bele asegura seguransa ai-han no reziliénsia ba mudansa klimátika.
- 
 Governu nesesita atu konserva fini lokál ne'ebé mak reziliente ba klima TL nian no halo avaliasaun ba sistema mekanizasaun ne'ebé introdús ona .
- 
 Governu bele konserva fini lokál ne'ebé mak reziliente ba klima TL nian no halo avaliasaun ba sistema mekanizasaun ne'ebé introdús ona .
- 
 Parseiru dezvoltamentu sira nian programa no projetu sira tenke tulun atu kore comunidade atu bele reziliente ba mudansa klimátika maibé la'ós kria dependénsia.
- 
 Agrikultór sira presiza preserva matenek lokál sira ne'ebé iha, no amigavel ba ambiente.
- 
 Agrikultór sira presiza rezerva rasik sira nian fini, halo purifikasaun fini, nune'e labele depende de'it ba fini iha loja sira.